

福建
辦理台灣等處海防兼理各國事務
臣王凱
臣李鶴
臣沈葆楨
跪

奏為台地後山急須耕墾請開舊禁以杜訛索而廣招徠恭摺

馳陳仰祈

聖鑒事竊臣等於十二月初一日業將南北路開通及擬將琅瑤旗後等處布置各情形

奏明在案因思全台後山除番社外無非曠土適者南北各路雖漸開通而深谷荒埔人蹤罕到有耕之地而無入耕之民草木叢雜瘴霧下垂克番得以潛伏狙殺縱闕蹊經終為畏途久而不用茅將塞之日來招集墾戶應者察之蓋台灣地廣人稀山前一帶雖經蕃息百有餘年戶口尚未充拓內地

地人民向來不准偷渡近雖文法稍弛而開禁未有明文地方官思設法招徠每恐與例不合今欲開山不先招墾則路雖通而仍塞卻招墾不先開禁則民裹足而不前臣等查舊例稱台灣不准內地民人偷渡拏獲偷渡船隻將船戶等分別治罪文武官議處兵役治罪又稱如有充作客頭在沿海地方引誘偷渡之人為首者充軍為從者杖一百徒三年互保之船戶及歇寓知情容隱者杖一百枷一個月偷渡之人杖八十送回原籍文武失察者分別議處又內地商人置貨過台由原籍給照如不及回籍則由廈防廳查明取保給照該廳濫給降三級調用又沿海村鎮有引誘客民過台數至三



十人以上者壯者新疆為奴老者烟瘴充軍又內地民人往台者地方官給照盤驗出口濫給者分別次數罰俸降調又無照民人過台失察之口岸官照人數分別降調隱匿者革職以上六條皆嚴禁內地民人渡台之舊例也又稱凡民人私入番境杖一百如在近番處所抽藤釣鹿伐木採者杖一百徒三年又台灣南勢北勢一帶山口勒石分為番界如有偷越運貨者失察之專管官降調該管上司罰俸一年又台地民人不得與番民結親違者離異治罪地方官叅處從前已娶者毋許往來番杜違者治罪以上三條皆嚴禁台民私入番界之舊例也際此開山伊始招墾方興臣等揆度時勢合無

仰懇

天恩將一切舊禁盡與開豁以廣招徠俾無瞻顧嗣又據台灣道夏獻綸詳稱舊例台灣鼓銷鍋四農具之人向須地方官舉充由藩司給照通台祇二十七家名曰鑄戶其鉄由內地漳州采買私開販者治罪邇來海口通商鉄舫載在進口稅則者壯內地之出今自西洋而來情形迥異而不肖兵役人等往往向民間籍端訛索該鑄戶亦恃官舉任意把持民甚若之又台產竹竿向因洋面不靖恐大竹蓬筏有關濟匪禁出口以致民間竹竿經過口岸均需稽查不知海船蒲布皆可為帆無需用竹立之厲禁徒為兵役留一索詐之端民間多一受



害之事應請毋庸查禁等因_臣等思當茲開闢後山百凡以
便民為急不得不因時_變通合無再懇

天恩飭地方官將鉄竹兩項悉弛舊禁以斷胥役勒索之路以濟
閭閻日用之需愚昧之見是否有當理合恭摺由輪船內渡
付驛六百里馳

奏伏乞


皇上聖鑒訓示遵行再_臣葆楨擬於布月初四日馳赴琅璦察看
形勢隨因感冒甚重未能如期起行俟調治銷痊即當前往
謹以附陳至此摺係_臣葆楨主稿合併聲明謹

奏

光緒元年正月初十日軍機大臣奉

旨

欽此



國立故宮博物院
NATIONAL PALACE MUSEUM

